

Uhauko ur Sorgia

Distantzia | Desnibela | Iraupena | Tipologia | Zedarriak
9 km | **407 m** | **3h00** | **Joan-etorria** | **PR seinaleak ibilbide osoan**

Donaixti-Ibarreko herrian, D918 errepidetik joan, Oskaxeko leporantz. Eztigar sagardo fabrikaren heineko errepidea hartu eta segitu 3,5 km-tan, ibilaldiaren abiapuntuko aparkalekura iritsi arte.

GPS datuak: **UTM : 660213/4780933 Lat/Long : 43.164193/1.029244**

Oihanpeko ibilbide lasaia da hau. Ondare natural joria ezagutzeko aukera ematen dio ibiltariari. Ibilbide honetako fauna eta flora aberastasun handikoak dira, hala nola okil gibelnabarra, adarluze alpetarra, pago ederrak eta hainbat iratze mota. Bitxikeria natural ugarietz gain, euskal mitologiari buruzko panelek osatzen dute ibilbidea. Azkenik, Uhauko ur sorgira iristeak eta mendi mazela zulatzen duen harpeko ur-begia ikusteak haur eta helduen begi gozarena ekarriko du.

1. ZATIA > Oihaneko bidean

UTM : 660213 - 4780933
 Ibilaldiaren abiapuntuko aparkalekutik, "Uhauko ur sorgia" bide seinalatutik joan. Zuhaitz mota anitzeko oihanpean ibili, 3 km inguru. Bidearen bukaeran, piknika gune bat dago, mahai batzuekin. Hor, erreka zeharkatzen duen zubixka bat dago.

2. ZATIA > Uhauko ur sorgiara buruz

UTM : 660734 - 4778475
 Erreka zeharkatu, eta mendian gora joan, bihurtuz bihurtuz doan bidexkatik. Itzalpean dagoen bidexka eder honetan ibili, eta beheko aldean dauden ur-jauzi eta ur putzuen ikuspegiak gozatu. Ezkerreko bihurtune gaizto batean, segitu zuzen ibarbide bateko arroka meta zeharkatzeko. Bidexka agerikoa da. Aitzina segitu, ezpona baten oinera iritsi arte. Hor, harpean, Biduzeko ur-begia dago. Itzulera bide beretik egiten da.



INTERESGUNEAK

❖ Euskal mitologia
 Ibilbideko puntu bat baino gehiagotan Euskal mitologia pertsonaia bitxi eta zoragarriak betea da: Herensuge, naturaren irudia den Mari, Laminak... Ibilbide osoan, haiek ezagutzeko panel anitz daude.

❖ Okil gibelnabarra
 Ibilbide osoan Okil gibelnabarra espezie arraroa eta babestua da Frantziako Estatuan. Frantziako lurraldean, Euskal Herrian bakarrik aurkitzen da, oihan zaharretan, non zutik diren zuhaitz hilak edo errotik ateratako arbolak jaten baitituzte.

❖ Uhauko ur sorgia
 Biduzeko urak Arballako mendigunearen azpian dagoen lur azpiko sare zabal batetik datoz. Izan ere, mendigunea euri-uren bilgunea da. Urak ingurune karstiko batean infiltratzen dira, eta gero lurpetik ateratzen dira, leku horretan. Ondotik, ur horiek 82 kilometro egiten dituzte, Gixunen Aturririkin bat egin arte.
 UTM : 660733 - 4777112



ARRETAZ IBILTZEKO LEKUAK
 Ereku lohitsuak eta lerrakorrak
 2. zatian: mendiko zapatak baitezpadakoak dira

EKIPAMENDUAK ETA ZERBITZUAK
 Piknikatzeko gunea
 UTM : 660734/4778475

Ibilbideen erabilbidea

ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan.

Gisa horretan, Oinezko Ibilaldien Frantziako Federazioaren gomendioak jarraitzen ditugu.

Oso erraza: 2 oren baino guttiagoko ibilaldia.

Familian egiteko arras egokia, bide ongi markatuetan.

Erraza: 3 oren baino guttiagoko ibilaldia.

Familian egin daiteke. Bidexka batzuetan pasagune zailxeagoetan pasatuz.

Ertaina: 4 oren baino guttiagoko ibilaldia. Ibiltzeko ohitura duten ibiltariarentzat. Batzutan kirol mailako lekuetan edo desnibela duten maldetan.

Zaila: 4 oren baino gehiagoko ibilaldia. Ohitura duten ibiltari

kirolariarentzat. Ibilbidea luzea edota zaila da (desnibelatua, pasagune korapilatsuak).

MENDI BIZIKLETAZKO IBILALDIAK:

Oso erraza: bide zabala eta gurpiletarako egokia; 300 m baino guttiagoko desnibela.

Erraza: gurpiletarako nahiko egokia den bidexka; 300m baino guttiagoko desnibela.

Ertaina: bidexka teknikoak, 800 m baino guttiagoko desnibela.

Zaila: bidexka oso zaila, 300 eta 800 m arteko desnibela.

DESNIBELA

Fitxetan agertzen den desnibela, goera guzieren gehiketa da.

IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da. Kontuan hartzen ditu ibilbidetaren luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoan, turismo eta ingurumen irizpideen arabera (informazio gehiagorako: www.ffrandonnee.fr)

GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbidetaren geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

Jokamolde egokiak mendi ibilaldietan

Ipar Euskal Herriko bidexketan ibili nahi bada, natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.

Abiatu aitzin, presta zaitetz

- Ez zaitetzela abia beharrezkoa den materialik gabe (mapa, ura, jantzi egokiak, etab.).
- Ez zaitetzela bakarrik abia edo, hala eginez gero, hurbileko bati edo herriko etxeari jakitera emazioz (zenbait lekutan telefono sarrerik ez da eta ezin atzemana bilaka zaitetzke).
- Erreketako ura ez ezazula edan eta ez zaitetzela honetan baina.
- Eguraldiari buruz informa zaitetz, erabat alda daiteke. Jakinean izan zaitetz garai hauetaz: lur-erretze, ihizi, oihan-lanetako eta abar.

Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota onddorik ez ezazula bil baimenik gabe.
- Lekuan emana den seinaleetika errespetatu ezazu eta zaude bidexka zedarrituetan.

Laborantza eta artzaintza aktibitateak errespetatu itzazu

- Autoan ibil zaitetz emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitetzela ibiltzera joan zure zakurrarekin, bestela, loturik atxik ezazu.
- Xeilak hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitetz eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

Zure hondakinen kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezakete!

ZENBAKI BALIAGARRIAK

- Météo France:
08 99 71 02 64 edo 32 50
edo www.meteofrance.fr

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



ZURE IRITZIA GURE BIDEXKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeko aukera ematen digute. Gonbidatzen zaitugu edozein arazo edo ohar baliagarriak jakinaraztera: sentinelles.sportdenature.gouv.fr

HELBIDE BALIAGARRIAK

Euskal Elkargoko Turismo Bulegoa:

Turismoko Harrera bulegoak
- BAIGORRI
Herriko Etxeko plaza
+33(0)5 59 37 47 28

- DONAPALEU
Charles de Gaulle plaza
+33(0)5 59 65 71 78

- DONIBANE GARAZI
Charles de Gaulle plaza
+33(0)5 59 37 03 57

PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuetaz gozatzeko, harremanetan jar zaitetz Euskal Elkargoko Turismo Bulegoaren turismoko harrera bulegoekin.

ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorriei jarraitu beharko zaizkie. Ibilbide fitxetan zehaztuko zaizu hori.

	PR® TOKIKO BIDEXKA	GRP PAYS TOKIKO IBILBIDE LUZEA	GR® IBILBIDE LUZEA	VTT BIDEXKA
Norabide ona	—	—	—	▲
Itzul ezker	↶	↶	↶	▲
Itzul eskuin	↷	↷	↷	▶
Norabide okerra	✗	✗	✗	✗